



Nutaarsiasaaq Nyhed

TB pillugu ilitsersuut nutaaq

TB akiorniarlugu 2017-21-imut iliuusissatut siunniussanut atatillugu, TB pillugu peqqinnisakkut sullissisunut ilitserssut kalaallisooq, nunarsuarmi nunatsinnilu TB pillugu immikkut ilisimasalinnit ilaatigut WHO-mit, peqqinnissaqarfimmit suleqatiniillu innersuussutitalik nutarterneqarpoq. Ataani ukkassassatut allassimasut saniatigut ilitsersuummi meeqqat inuusuttullu pillugit immikkoortoq misissuinerillu aalajangersimasunut saaffiginnittut suliarineqarput

Ulloq/Brevdato: 07-12-2018
Suliap/Sags nr. 2016 - 713
All./Dok. nr. 39

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl

Pitsaaliuinermut tunngatillugu allannguutit

- TB-mut akiuussutissiineq meeqqanut tamanut qaammatit pingasut sinnerlugit nunatsinni najugaqartunut innersuussutaavoq.
- Meeqqat tallimat inorlugit ukiullit inoqutigiinnut TB-mik tuniluuttumik napparsimasortalinnut ilaasut, TB-mik tuniluuttumik nappaateqanngitsutut qulakkiikkat aaversinnerisa inemera IGRA (QuantiFERON) qanoq ikkaluarpat, nappaat pitsaaliniarlugu nakorsartinnissaat innersuussutaavoq.

Nappaammik suussusersinermut tunngatillugu allannguutit

- IGRA (QuantiFERON) TB-mik tunillatsissimasinnaanerup paasiniarnerani suli atornerarpoq, TB-mulli tuniluuttumut atornerarpoq ajorluni.
- TB-mik suussusersiniaanermi Nuummi qitiusumik aaviisarfimmut Statens Serums Instituttimullu (SSI) misissugassat, SSI-mut misissugassaq naatitassaq qinngullugulu misissugassaq ataaseq TB - illu pinngoqaataanut (PCR) qitiusumik aaviisarfimmi misissugassat marluk akuleriissinneqartarput.
- Qisit misissukkat pingasut nassaarfiunngippata TB-millu nappaateqarneq suli pasitsaassimanerqarpat pingasoriarluni aqajaqqumik errortuineq imal. tarajulimmik (NaCl 1 mmol/ml) najuussuinnikkut misissugassamik tigusinissaq innersuussutaavoq.

Nakorsaanermut immikkoortitsinermullu tunngatillugu allannguutit

- Napparsimasut TB-ip pinngoqaataanik aamma /imal. qinnguserluni misissuineri nassaarfiusumik qisillit tamarmik ulluni 14-ini immikkoortinneqassapput.
- Maanna TB pitsaaliniarlugu nutaamik, qaammatini pingasuni sap.ak. ataasiarluni immikkut nakkutigineqarnikkut (direct observed therapy/ DOT) nakorsartinnermik neqeroortoqarsinnaanngorpoq.

Attassiinnarnissaq

- TB-mut nakorsartinnerup qaammataani siullerni marlunni nakorsaatiniq sisamanik akuleriissitanik atuineq.
- Tunillatsissimasinnaasunik paasiniaanermik annertuumik ukkassineq.
- Nakorsartinnerup naammassineqarnissaanik napparsimasooq suleqatigalugu nakorsartinnissamat pilersaarusiortoqarnissaanik innersuussinertalimmik annertuumik ukkassineq.
- Nalunaarutiginnittarneq annertoq.
- TB-mut misissortinnermi HIV-mik tunillatsissimasinnaasunik misissuineq.